



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Reprehensio episcopi in pulpito paganos libros exponentis, eo quòd cum
louis laudibus Christi laudes non conueniant. xcviij.

urn:nbn:de:hbz:466:1-10722

D. BURCHARDI EPIS. VVORMAC.

Interrogatio LXXXI.

Est aliquis qui arborē succideret, & dū operi necessario insisteret, aliquis subtus arborē deueniens, improuisè opprimeretur?

Interrogatio LXXXII.

Est aliquis qui cōiurationes & cōspiraciones sectaretur?

Interrogatio LXXXIII.

Est aliquis qui ecclesiā aut clericū fatigare præsūperit?

Interrogatio LXXXIII.

Inquirendum de refugis, & perfidis clericis & laicis.

Interrogatio LXXXV.

Percontandum de confratriis & fraternitatum societatibus qualiter in parochia agantur.

Interrogatio LXXXVI.

Interrogandum si cantica turpia, & risum mouentia, aliquis circa Ecclesiam cantare præsumat.

Interrogatio LXXXVII.

Perquirendum si aliquis Ecclesiam intrans, fabulis vacare consuevit, & nō diligenter auscultat diuina eloquia, & si antequam Missa finiatur, de Ecclesia exierit?

Interrogatio LXXXVIII.

Interrogandum si oblationem, id est, panem & vinum viri & fœminæ ad Missas offerant, & si non viri coniuges offerant, pro se suisq; omnibus vt in canone continetur?

Vt episcopi libros gentilium non legant. Cap. XCIV.

*Ex cōcili.
Cartha.
cap. 16.*

VT episcopi libros gentilium non legant: hæreticorum autem pro necessitate & tempore.

Vt episcopi, prout vulgus intelligere possit, secundum proprietatem communis linguæ illorum prædicationem temperent. Cap. XCVI.

*Ex concil.
Remensi,
cap. 11.*

VT episcopi Sermones & Homelias sanctorum patrum, prout omnes intelligere possint, secundum proprietatem communis linguæ prædicare studeant.

Reprehensio episcopi in pulpito paganos libros exponentis, eo quod cū Iouis laudibus Christi laudes non conueniant. Cap. XCVII.

*Ex reg.
ad Deside-
riū episc.
Gallie
cap. 84.*

QUum multa nobis bona de vestris fuissent studiis nunciata, ita cordi nostro est nata lætitia, vt negare ea, quæ sibi fraternitas vestra concedenda poposcerat, minimè pateremur. Sed post hoc peruenit ad nos, quod sine verecundia memorare nō possumus, fraterni-

tatem tuam Grámaticam, & illa difficiliora quibusdam exponere. Quam ré ita molestè suscepimus, ac sumus vehementer aspernati, vt ea quæ prius dicta fuerunt, in gemitum & tristitiam verteremus: quia in vno ore cum Iouis laudibus, Christi laudes esse non possunt. Et quæ graue nefandumq; sit episcopis canere, quod nec laico religioso conueniat. Et quamuis dilectissimus filius noster Candidus presbyter postmodum veniens, hac de re subtiliter requisitus negauerit, atq; vos conatus fuerit excusare: de nostro tamen adhuc animo non recessit: quia quantum execrabile est hoc de sacerdote enarrari, tanto vtrum ita necesse sit districta & veraci oportet satisfactione cognosci. Vnde si post hoc euidenter hæc quæ ad nos perlata sunt falsa esse claruerint, neq; vos nugis & secularibus literis studere cõstiterit, & Deo nostro gratias agamus, qui cor vestrum maculari blasphemis nefandorum laudibus non permisit, & de concedendis quæ poscitis securi iam & sine aliqua dubitatione tractemus.

Quantum discrimen imminet pastoribus qui veritatem Christi prædicare negligunt. Cap. XCVIII.

VAe enim erit nobis, qui huius ministerij onus susceptum habemus, si veritatẽ saluatoris nostri Iesu Christi, quã Apostoli prædicauerunt, prædicare neglexerimus. Vt erit nobis, si filitio veritatẽ opprefferimus, qui erogare numulariis iubemur, id est, Christianos populos imbue-
re & docere. Quid in ipsius Christi futuro dicturi sumus examine, si sermonis eius veritatẽ cõfundimur prædicare? Quid erit de nobis, quum de commissis nobis animabus, & de officio suscepto rationem iustus iudex Christus Deus noster districtam exegerit?

Quod episcopum oporteat sine intermissione Ecclesiam suam docere & amare. Cap. XCIX.

EPiscopum verò oportet opportunè & importunè atque sine intermissione Ecclesiam suam docere, eamq; prudenter regere & amare, vt à vitiis se absteineat, vt salutem cõsequi possit æternam. Et illa cum tanta reuerentia eius doctrinam debet suscipere, eamq; amare & diligere, vt legatum Dei & præconem veritatis, quia testante veritate, quodcunque ligauerit super terram, erit ligatum & in cœlo & quodcunque soluerit super terram, erit solutum & in cœlis.

*Ex decre.
Marci pa-
pe Aegy-
ptiorum epi-
scopis mis-
sis. cap. 3.*

*Cap. Eua-
risti pape
5. omni-
bus per
Aegyptum
fratribus
missum.*